

四庫全書

子部

欽定四庫全書

六藝之一錄卷三十六

錢唐倪濤撰

石刻文字十二

孔廟置守廟百石孔龢碑

司徒臣雄司空臣貳稽首言魯前相瑛書言詔書崇聖

道勉

缺

藝孔子作春秋制孝經

缺

五經演易繫辭經

緯天地幽讚神明故特立廟褒成侯四時來祠事已即  
去廟有禮器無常人掌領請置百石卒史一人典主守

廟春秋饗禮財出王家錢給大酒直湏報謹問大常祠  
曹掾馮牟史郭玄辭對故事辟廋禮未行祠先聖師侍  
祠者孔子子孫大宰大祝令各一人皆備將大常丞監  
祠河南尹給牛羊豕雞缺各一大司農給米祠臣愚  
以爲如瑛言孔子大聖則象乾以爲漢制作先世所尊  
祠用衆牲長吏備缺欲加寵子孫敬恭明祀傳于罔  
極可許臣請魯相爲孔子廟置百石卒史一人掌領禮  
器出王家錢給大酒直他如故事臣雄臣貳愚慙誠惶

誠恐頓首頓首死罪死罪臣稽首以聞

豕即豕字

制曰可

制字高出一字司徒公題名在此行之下司空在雒陽宮之下

元嘉三年三月廿十

七

日王

主字

寅奏雒陽宮

司徒公河南原武吳雄字季高

司空公蜀郡成都趙式字意伯

元嘉三年三月丙子朔廿十日壬寅司徒雄司空式下

魯相承書從事下常用者選其年卅以上經通一藝雜

試通利能奉祀先聖之禮爲宗所歸者如詔書書到言

永興元年六月甲辰朔十八日辛酉魯相平行長史事  
下守長擅叩頭死罪敢言之

司徒司空府壬寅詔書爲孔子廟置百石卒史一人掌  
主禮器選車冊以上經通一藝雜試能奉弘先聖之禮  
爲宗所黜者平叩頭叩頭死罪死罪謹案文書守文學  
掾魯孔鮒師孔憲戶曹史孔覽等雜試能脩春秋嚴氏  
經通高第事親至孝能奉先聖之禮爲宗所黜除鮒補  
名狀如牒平惶恐叩頭死罪死罪上

司空府

讚曰魏魏大聖赫赫彌章相也瑛字少卿平原高唐人  
令鮑疊字文公上黨七箇人政教稽古若重規也君

察舉守宅除吏孔子十九世孫麟庶請置百石卒一人

鮑君造作百石吏舍功垂无窮於是始

闕  
即赫字

右孔廟置守廟百石卒史孔龢碑無額在兗州仙源  
縣威宗永興元年立嘉祐中郡守張惟圭按圖經云  
鍾繇書碑載孔子十九世孫麟庶請置百石卒史一

人掌廟中禮器魯相乙瑛書言之於朝司徒吳雄司  
空趙戒奏於上詔魯相選年四十以上通一經者為  
之時瑛已滿秩去後相平復以其事上于朝予家所  
藏石刻可以見漢代文書之式者有史晨祠孔廟碑  
樊毅復華祖碑太常耽無極山碑與此而四此一碑  
之中凡有三式三公奏于天子一也朝廷下郡國二  
也郡國上朝廷三也按孔僖傳云永元四年襄成侯  
損徙封褒亭侯子孫相傳迄于漢末褒褒亭之封者

二人此碑與史晨碑皆在永元之後仍稱襄成又安  
帝紀延光三年賜襄成侯帛韓勅碑陰有襄成侯建  
壽即損也疑損未嘗徙封傳之誤爾鍾繇以魏太和  
四年卒去永興蓋七十八年圖經所云非也

釋

右漢魯相置孔子廟卒史碑云司徒臣雄司空臣戒  
稽首言魯前相瑛書言詔書崇聖道孔子作春秋制  
孝經演易繫辭經緯天地故特立廟襄成侯四時來  
祠事已即去廟有禮器無常人掌領請置百石卒史



一人典主守廟謹問太常祠曹掾馮牟史郭玄辭對  
故事辟雍祠先聖太宰太祝各一人備爵太常丞監  
祠河南尹給牛羊豕大司農給米臣愚以為如瑛言  
可許臣雄臣戒愚懃誠惶誠恐頓首頓首死罪死罪  
臣稽首以聞制曰可按漢書元嘉元年吳雄為司徒  
二年趙戒為司空即此云臣雄臣戒是也魯相瑛者  
據碑言姓乙字仲卿漢碑在者多磨滅此幸完可讀  
錄之以見漢制三公奏事如此與羣臣上尚書者小

異也又見漢祠孔子其禮如此治平元年六月二十

日書

集古錄

右孔子廟置卒史碑其前有司徒吳雄司空趙戒奏  
章歐陽文忠公具載于集古錄其後又有魯相奏記  
司徒司空府文字尤為完好云永興元年六月甲辰  
朔十八日辛酉魯相平行長史事卞守長擅叩頭死  
罪敢言之司徒司空府壬寅詔書為孔子廟置百石  
卒史一人掌主禮器選年四十以上經通一藝雜試

能奉弘先聖之禮為宗所歸者乎叩頭叩頭死罪死  
罪謹按文書守文學掾魯孔鮒師孔憲戶曹史孔覽  
等雜試鮒修春秋嚴氏經通高第事親至孝能奉先  
聖之禮為宗所歸除鮒補名狀如牒平惶恐叩頭死  
罪上司空府具詞彬彬可嘉故備錄之且以見漢時  
郡國奏記公府具體如此也按華陽國志後漢書注  
皆云趙戒字志伯而此碑乃作意伯疑其避桓帝諱  
故改焉

金石錄

右漢魯相置孔子廟卒史碑今在曲阜蓋魯相乙瑛  
上書請置百石卒史一人典主守廟司徒吳雄司空  
趙戒以聞制從之蓋在元嘉三年三月後魯相平補  
以孔和上書於司空府則永興元年六月也攷之范  
史桓帝紀元嘉惟有二年碑云元嘉三年三月者蓋  
是年五月始改永興至十月而雄戒亦罷免矣此  
碑殘闕據宋洪丞相隸釋錄其全文蓋漢文高古難  
得將以供學士大夫之嗜好而不特此碑然也凡予

之錄漢刻其殘闕者皆以洪本足之

都穆金  
薤琳琅

此碑都少卿玄敬考據始末甚明楊用脩金石古文  
全錄之但碑中奏洛陽宮下有司徒公河南原武吳  
雄字季高司空公蜀郡武都趙戒字意伯二十四字  
內闕四字而二公不之及都云此碑殘闕據宋洪丞  
相隸釋錄其全文而竟遺此豈二公但憑抄錄未見  
搨本耶碑後又有刻云後漢鍾太尉書宋嘉祐七年  
張稚圭按圖題記按此碑永興三年造元帝獻帝初

始為黃門侍郎距永興且四十年此非元常書明甚  
未知張稚圭所按何圖其叙事簡古隸法遒逸令人  
想見漢人風采政不必附會元常也碑中趙戒范史  
注字志伯今云意伯趙明誠云疑是避桓帝諱戒袁

宏又作誠

趙極石  
墨鐫華

三代彝器款識世不多見壇山石鼓剝落亦甚其他  
自泰山嶧山之杲而下惟兩京為古余嘗檢洪丞相  
隸釋見此碑列于第五而近世都玄敬楊用脩徐獻

忠集漢字者俱以此為第一豈先數者已零落不可得是刻在孔林尚無恙耶勉字下隱起是學字蓋宗聖道勉學藝詞理俱暢而人往往缺之故敬為補之而記其說如此若夫見三家跋者不復廣引矣嘉靖

甲寅四月七日記

盛時泰  
空齋記

此魯相乙瑛上書司徒吳雄司空趙戒府請置孔廟百石卒史一人掌主禮器廟祀元嘉三年三月廿七日壬寅雄戒奏可維陽宮如瑛言又詔選能奉弘先

聖之禮為宗所歸者當桓帝時雄戒諸人猶知崇聖  
如此初戒博學明經劾奏貪殘不避貴戚後與子堅  
定策不能終執本議卒致傾覆是非真能崇聖者按  
史元嘉止二年碑稱三年三月者蓋是年五月始改  
元永興耳章懷謂戒字志伯碑作意伯趙明誠疑避  
桓諱似矣碑即今公移復爾雅簡質可讀書益高古  
超逸魏才代漢便不能無小變至六朝極矣極之而  
復故唐為近古評者槩多別論是非深於分法者

郭宗



昌金

石史

魯相乙瑛置孔子廟百石卒史碑八分書永寧元年  
六月今在曲阜縣廟中後人刻其上曰漢鍾太尉書  
洪氏隸釋曰按圖經云鍾繇書繇以魏太和四年卒  
上距永興七十八年圖經所云非也 百石卒史者  
秩百石之卒史也漢書儒林傳郡國置五經百石卒  
史倪寬傳補廷尉文學卒史臣瓚曰漢注卒史秩百  
石是也若三輔卒史則二百石黃霸傳補左馮翊二

百石卒史因其秩有不同故舉其石之多寡以別之

水經注載此為後人不通者改作百夫吏卒

金石文字記

魯相韓勅造孔廟禮器碑

惟永壽二年青龍左游歎霜月之靈皇極之日魯相河

南京韓君追惟大古華胥生皇雄顏缺育缺實俱制元

道百王不改孔子近聖為漢定道自天王以下至于初

學莫不馳思嘆仰師鏡顏氏聖甥家居魯親里丌官聖

妃左安樂里聖族之親禮所宜異復顏氏并官氏繇發

以尊孔心念聖歷卅禮樂陵遲秦項作亂不尊圖書倍  
道畔德離敗聖輿食粮亡于沙丘君於是造立禮器樂  
之音符鍾磬瑟鼓雷洗觴觚爵底桓桓遵枚禁壺脩飾  
宅廟更作二輿朝車威熹宣杼玄汙以注水深法舊不  
煩備而采奢上合綦臺階之中和下合聖制事得禮儀  
於是四方上士仁聞君風耀敬咏其德尊琦大人之意  
連璽之思乃共立表石紀傳億載其文曰

皇師統華胥承天畫卦顏育空來孔制元孝俟祖綦宮

太一所授前門九頭以什言教後村百王獲麟來吐制  
不空作承天之語乾元以來三九之載八皇三代至孔  
乃備聖人不世期五百載三陽吐圖二陰出讖制作之  
義以俟知真於穆韓君獨見天意復聖二族連趣絕思  
循造禮樂胡輦器用存古舊字慙慙宅廟朝車威熹出  
誠造缺凍不水解工不旱賈深除玄汙水通缺注禮器  
升堂天雨降澍百姓訢和舉國蒙慶神靈祐誠竭敬之  
報天與厥福永享年壽上極華茲旁伎皇代刊石表銘

與乾運燿長期蕩蕩於盛復授赫赫罔窮聲垂億載缺  
韓明府名勅字外節潁川長社王玄君真二百河東大  
陽西門儉元節二百故涿郡太守魯庶次公五千故會  
稽太守魯傳世起千故樂安相魯庶季公千故從事魯  
張嵩眇高五百相主薄薛陶元方三百相史魯周乾伯  
德三百

右魯相韓勅造孔廟禮器碑無額威宗永壽二年立  
其文雖用識緯不可盡通呂氏春秋云有仇氏女探

得嬰兒于空桑是為伊尹蓋托之神物與履舄吞黿  
同或曰空桑地名也此云聖母顏氏育於空桑不經  
之甚渚歎者以歎為灘也聖妃者以妃為配也雷洗  
觴觚爵鹿俎桓遷枹禁壺者以雷為壘以俎為俎也  
古爵三足而兩柱前若喙後若尾有爵之象趙曰青  
州近獲一器全為鹿形此所謂鹿豈非肖其形因以  
名之乎說文木豆謂之桓枹音凡木名也皮可為索  
禮器曰大夫士枹禁注云禁如今之方案儀禮鄉飲

酒禮戶間斯禁設籩于禁南注禁切地無足者喜與  
上下文符觚興汙協韻當是壺字也胡輦者瑚璉也

洪氏

隸釋

碑以伎為暨駘音驥遵即遵字涑即添字

全上

右韓明府修孔子廟器碑云永壽二年青龍在渚灘  
霜月之靈皇極之日永壽桓帝年號也按爾雅云歲  
在申曰渚灘桓帝永興三年正月戊申大赦改元永  
壽明年丙申曰歲在渚灘是矣云霜月之靈皇極之

日莫曉其義疑是九月五日前漢文章之盛庶幾三代之純深自建武以後頓爾衰薄崔蔡之徒擅名當世然其筆力辭氣非出自然與夫揚馬之言醇醪異味矣及其末也不勝其弊霜月皇極是何等語韓明府者名勅字叔節前世見於史傳未有名勅者豈自余學之不博乎春秋左氏傳載古人命名之說不以為名者頗多故以勅為名者少也

集古錄

漢隸不著書撰人名氏據碑孔子舅顏氏居魯親里



開官聖妃居安樂里魯相河南京人韓勅字叔節復其里中徃後以尊孔子孔子廟舊藏車見毀于秦項之際勅修立宅廟造俎豆瑟鼓之屬更作二輿時桓

帝永壽二年也

集古  
錄目

右韓明府孔子廟碑其略云君造立禮器樂之音符鍾磬瑟鼓雷洗觴觚爵鹿俎桓遽枝禁嘉修飾宅廟更造二輿所謂鹿者禮圖不載莫知為何器又據字書柁木皮可為索嘉陳樂也亦非器名皆不可曉故

并著其語以俟知者俟余後見汶陽陳氏所藏古彝  
為伏鹿之形近歲青州獲一器亦全為鹿形疑所謂

鹿者因其形而名之爾

金石錄

漢韓明府修孔子廟碑其文雖剝缺然可句讀得之  
明府名勅字叔節歐陽永叔嘗謂書傳無以勅命名  
者秦制天子之命為勅漢用秦法當時豈臣下敢以  
勅自名者也考之字書勅字從束謂誠也王者出命  
令以誠正天下者也按韓明府自名勅爾古者以勞

賚為勅勅為賚音具文為徠別體當南齊時有劉勅  
為始興內史則古人名勅何世無之豈於此疑哉往  
時文嘉謨作縣樓架勅書於昌樂榜為敕書蜀中縣  
多作敕者說文敕自音策謂馬筆也敕音奇謂木別  
生也嘉謨蓋勛之子勛有書名不知敕非勅字其子  
不能考古誤以為勅可不戒哉

廣川  
書跋

按繁陽令楊君碑陰有程勅則在漢非獨韓名勅也  
勅雖本音徠說文勞也考之碑韓字叔節程字伯嚴

其義非勞徠之徠當讀為飭漢碑范史多用敕字蓋  
是時上下皆通用初無拘也

樊機漢  
隸字源

右漢魯相韓勅造孔廟禮器碑說者謂其文雜用識  
緯不可盡通予觀東漢自光武以赤伏符即位篤好  
圖讖臣下則而效之流弊浸廣至漢之末而其說尤  
熾見之金石者不特此碑然也帝堯碑云堯遊於玄  
河之上有龍投圖堯乃受命成陽靈臺碑云堯毋慶  
都遊觀河濱感赤龍交而生堯魯相史晨孔廟碑云

孔子乾坤所挺西狩獲麟為漢制作皆怪誕恍惚不經之甚後之君子以為漢儒之陋狹如此而不知其所從來孔子曰上有好者下必有甚焉者矣以光武之明智而慮不及此嗚呼於漢儒乎何尤

金鑑  
琳瑯

此碑都楊二公錄闕七字而余所獲搨本止闕五字多一皇戲統華胥戲字一以俟知吳興字二公前余八十年都所收又云舊搨本而闕字反見于今何也且都錄碑陰謂隸釋所載六十二人較都家舊搨本

閔三十八人隸釋始曲成侯王嵩終洛陽王敬都家  
本始涿郡太守魯廙次公終河南樊文高按碑文韓  
明府下已列潁川長社王玄君真至相史魯周乾伯  
德八人似不應碑陰重錄隸釋首正少此八人于漢  
文簡古之體為合而都本乃重出不知何故惜不得  
至碑所一證之至若碑隸書與卒史碑無二且記法  
簡質非今所能而玄敬乃以雜用識緯簿之余竊不

取焉

石墨  
錫華

右韓勅造孔廟禮器碑并碑陰通一冊吾鄉羅公所藏元孫淵泉假以示余碑言青龍在渚灘霜月之靈皇極之日按爾雅十二歲名申曰渚灘永壽元年乙未此言申者則次年丙申矣霜月者九月也皇極之日五日也此皆漢人尚讖緯之學故文字奇異如此其佗則洪丞相都太僕言之已具嘉靖甲寅四月十二日記

左  
續  
紀

漢韓明府修孔子廟器碑才剝蝕十一二文字存者

猶有鋒鍛文殊高古尚可讀豈神物固有鬼神呵護  
耶其字畫之妙非筆非手古雅無前若得之神功弗  
由人造所謂星流電轉纖踰植髮尚未足形容也漢  
諸碑結體命意皆可髣髴獨此碑如河漢可望不可  
即也韓明府名勅字叔節歐陽公謂書傳無以勅命  
名者秦制天子之命稱勅漢用秦法當時臣下豈敢  
以勅自名者是以勅為勅也已見廣川書跋第意有  
未明余更著之韓明府自名勅從力來聲音賁勞也



亦作徠徠訓來答勤曰勞撫至曰勅示有節也故字  
叔節以勅為敕譌也敕從支束聲誠也支小擊也又  
有束縛之義故為敕命之敕又支傍加束音策馬筆  
也束讀若刺又敕從支束聲音其木別生也支持也  
與支異四字易淆故詳著之然永叔謂人無名敕者  
亦屬臆說因記得一事余方謂石千年猶存當為鬼  
神呵護有一憲使宦魯者余以此碑為托憲使檄曲  
阜令致得數搨以印鈐手版報云曲阜諸生大闢石

已薤粉矣取家藏者應命耳余深痛神蹟永絕後死者不得與於斯文每一展玩撫几興歎後復有至自閩里者謂石歸然無恙因出所捐視余嗚呼天下萬事無憑如此然亦足喜也

金石史

魯相韓勅造孔子廟禮器碑八分書永壽二年九月今在廟中碑兩旁並有刻字

金石文字記

韓勅碑陰

曲成侯王鬲二百河南成寧蘇漢明二百其人處士河

南雒陽种亮奉高五百故兗州從事任城李育季華三千故下邳令東平陸王褒文博千故潁陽令文陽鮑宮元威千河南雒陽李申伯百趙國郎鄭宋鎮元廿二百彭城廣械姜尋子長二百平原樂陵朱恭敬公二百平原濕陰馬瑤元異二百彭城龔治世平二百泰山鮑丹漢公二百京兆劉安初二百下邳周宣光二百河間東州齊伯宣二百陳國苦虞崇伯宗二百潁州長社王季孟三百汝南朱國公陳漢方二百山陽南平陽陳漢甫

二百任城番君舉二百任城王子松二百任城謝伯威  
二百任城高伯世二百相主簿薛曹訪濟興三百相中  
賊史薛虞韶興公二百薛弓奉高二百相史卞呂松 缺  
遠百駟韋仲卿二百霰士魯劉靜子著千故從事魯王  
陵少初二百故替却魯开輝景高二百魯曹悝初孫二  
百魯劉元達二百故替却魯趙輝在臺二百郎中魯孔  
宙季將千卿史魯孔翊元世千大尉掾魯孔凱仲弟十  
魯孔曜仲雅二百霰士魯孔方廣率千魯孔巡伯男二

百魯孔憲仲則百尚書侍郎魯孔彪元上三千魯孔汎  
漢光二百守廟百石魯孔恢聖文千褒成侯魯孔建壽  
千故從事魯孔樹君德千魯孔朝升高二百行義掾魯  
弓如糾都二百魯劉仲俊二百魯夏侯廬頭二百魯孔  
儀甫二百文陽蔣元道二百文陽王逸文豫二百魯石  
子重二百北海剡袁隆展世百魯周房伯臺百道西陽  
樂張普仲堅二百故薛令河內溫朱熊伯珍五百故豫  
州從事蕃加進子高千南陽宛張光仲孝二百河南維

陽王敬子慎二百

右韓勅碑陰六十有二人不稱字者一人不稱名者  
二十一人漢人題名必書名字否則各有說也楊震  
碑陰孫定博諸人不名者非其門生也逢盛碑陰崔  
孟祖數人不名者乃其父黨也題名於韓勅碑左凡  
八人魯之二庶一傳不名者別守相之尊也張納碑  
陰主簿白文已下不稱字者示其卑於從事季元也  
史晨後碑五官掾孔暢六人不書字者亦示其卑於

長史李謙也孔僖傳云永元四年徙封孔損為褒亭侯損卒子曜嗣曜卒子完嗣此碑有孔曜仲雅則永壽時曜尚未襲封所謂褒成侯建壽當是孔損之字

傳作褒亭其說在孔蘇碑

自永元四年至永壽二年亦六十五年

矣題名中孔族凡十四人有譜可考者曜及郎中宙御史翊侍郎彪皆孔子十九世孫也建壽爵齒俱尊而在子姓之間宜其不名餘人雖不見爵扶當亦是一時耆老獨曲成侯王嵩一人不稱字豈爵雖襲而

年尚穉者乎蘇漢明者已鐫而續書故以其人處士  
識于下張普朱熊五人書體不同蓋後人所增者

隸釋

自曲成侯王嵩二百河南成臯蘇漢明二百而下共

六十二人孔彪孔宙皆在列中

後齊碑錄

右韓勅碑陰隸釋所載凡六十有二人較予家舊搨  
本闕三十有八人隸釋始曲成侯王嵩終洛陽王敬  
予家本則始涿郡太守魯廙次公終河南樊文高又  
有大不同者豈隸釋得之傳錄故有此誤要當以搨



本為是抑此及史晨後碑歐陽公最號博古皆未之  
見唯趙氏金石錄有之

金薤  
琳瑯

韓勅碑陰

金薤  
琳瑯  
飛本

故涿郡太守魯廙次公五千故從事魯張嵩眇高五  
百潁川長社王玄真二百故會稽太守魯傳世缺千  
相主簿魯薛陶元方三百河東大陽西門儉元節二  
百故樂安相魯廙李缺千缺相史魯周乾伯德三百  
曲成侯王嵩二百遼西陽樂張普仲堅二百潁川長

社王季孟三百故督郵魯趙輝彥臺二百河南成  
臯蘇漢明二百其人處士汝南宋國公陳漢方二百  
郎中魯充宙季將千河南雒陽种亮奉高五百故山  
陽南平陽陳漢甫二百御史魯孔翊元世千故兗州  
從事任城呂育季華三千任城番君舉二百太尉掾  
魯孔凱仲弟千故下邳令東平陸王裒文博千任城  
王子松二百魯孔曜仲曜二百魯孔儀甫缺百故潁  
陽令文陽鮑宮元威千任城謝伯威二百處士魯孔

方廣率千河南雒陽李申伯百仕城高伯世二百魯

孔巡伯陽二百文陽蔣元道二百趙國邯鄲宋鎮元

世二百相主簿薛曹缺濟興三百魯孔憲缺則缺文

陽缺文豫二百彭城廣缺姜尋孔長二百相中賊

史薛紹興公二百尚書侍郎魯孔彪元上三千平原

樂陵朱恭敬公二百薛缺高缺魯孔缺漢光二

百南陽宛張光仲孝二百平原隰陰馬缺元冀二百

相史卞呂松遠百守廟百石魯孔恢聖文千彭城公

治世平二百駮韋仲卿二百襄成侯魯孔建壽千河  
南雒陽王敬子慎二百泰山鮑丹漢公二百處士魯  
劉靜子著千古從事孔樹君德千京兆劉安初二百  
故薛令令河內溫朱熊伯珍五百故從事魯王陵少  
初二百魯孔朝升高二百魯石子重二百下邳周宣  
光二百故豫州從事蕃加進子高千故督郵魯升輝  
景高二百故平陵令魯庶侯元世五百行義孫魯弓  
如叔都二百河間東州齊伯宣二百魯曹性初孫二

百魯劉仲臣二百北海劇袁隆辰世百陳國苦虞崇

伯宗二百魯

缺

元達二百魯夏侯盧頭百魯周房伯

臺百東海傅河東臨汾敬謙字季松千

缺

尉

缺

安李興五百相守史諱在芳世祖二千魯孔建

壽二百時令漢中南鄭趙寡學子

缺

魯巢壽文

缺

相

缺

賜公

缺

煇世平百故丞魏令河南京

丁璚叔舉五百河浦退師度

缺

澤賢

缺

魯傅

缺

子

豫二百侯我交父治真百東郡武陽桓仲豫二百左

尉北海趙福字仁直五百南陽平氏

缺

二百

魯

缺 三百魯孔昭叔祖百元廬城子二百山陽瑕

邱九百元臺三百魯齊伯賢二百河東臨汾敬

缺子

直千泰山鎮平韋仲元二百

缺

狼子二百國廣張

達平二百其

缺

處士魯劉聖長二百河南雒陽左叔

虞二百泰山費淳子陵李遺二百上黨長子楊萬子

三百河南偃師骨

缺

通國

缺 東郡武陽董氏二百

故

缺

侯相彭城劉

缺

伯存五百處士魯孔徵子

缺

二百河南平陰樊文高二百

右都少卿所錄與隸釋所錄不同今並存之

韓勅脩孔廟後碑

皇漢帝元永壽三丰青龍建酉孟秋之旬升布天德帝  
拜大臣曾曾玄玄魯相河南京韓君追惟

孔聖素王受象乾以生子周衝正政天文德叅耀缺作

應星神稽易制孝升出大人徵符洞壺論要道根赤書

黃字蜚于倉天北落復下大帝閭門龍

缺

精歷星

官雷動玄紫殿隱

缺

震春秋既成效以獲麟功安道立

封禪

缺

玄

缺

魯天地窈冥精皇炳辟河雒摘靈

散六制二百生師經元德浸潭孝道滋榮爲漢制作萬

世

缺

功杰誦受命以授煌煌帝

缺

載

缺

天意流通第

缺

生徒三年素王以下至子北生聞名傾耳視若

見彤天挺三五三九之

缺

德

缺

子度終獲麟天爲移

拒曰

缺

賢俊以傳君以順顯臣以無虧

韓君於氏憤懣之思惟古之嘆念

缺

旨

缺

爲世寶具受



符相魯敔舒

缺

謁廟拜墓感有

魯玄脩飭舊宅俟神廟堂自

缺

寤域庫室中郎立先王

禮樂器

缺

二輿朝車威熹歷日

久長承法而制以遵古常崇聖帷坐蓐席十重改畫聖

象如古商

缺

章規

柜玄汙唯深且方宅廟悉脩敬滌菴房

缺

道

路

缺

闕周衛行

缺

恭肅春秋烝嘗欣樂之情和見於顏惟墓以

缺

歷秦缺高缺業文缺

君於

缺

龍缺

玄禮有制度國疑少磚壇法不即

缺

碑缺

造石壇缺

遣上公名卿奉表宰祠來缺

作

大升缺

方缺

之用缺

韓君缺

政以弘缺

四方土梁異人同心共術韓君德政缺

鈐約缺

曰其安缺

以臨東海功缺

伊望泚歌欽烈蘭芳青雲自

缺

郡缺

勅民缺魯之日缺

盛隆恩及孤弱惠閔缺窮民共缺魯飢寒得充業以土

屋缺

小懼康存舊缺德夫缺所行缺

足用渠英

徐缺

楊缺望者成行顛彼豫缺獨專景缺且立表石勒

銘之功君輔漢室聖帝缺躬子子孫孫封缺

石表

基垂名八皇

府君諱勅字林節

缺即缺

字仲則弟缺字子臺東海

缺敬謙字季松河東臨汾人缺

字子睢漢中南

鄭人長史李亮字威明河南人故少府卿任城樊府君  
諱豹字伯尹丞駱景字子雲河南滎陽人道人穎川長

缺

君直五百左尉趙福字

缺

北海劇人右尉缺

子興九江浚道人

右韓勅脩孔廟後碑威宗永壽三年立其間云脩飭  
舊宅改畫聖象立禮樂器車輿薦席墻室壇井皆脩  
廟事也其云謁廟拜墓謂孔墓也又云異人同心共  
述德政即題名中道人穎川君直也樊豹書法獨與

衆異當是魯之前相也

碑以於氏為於是室為室郎為廊術為述菴為藜

菴即圖字夢即薦字

全上

韓府君孔子廟後碑永壽三年七月立有碑陰

金石錄

碑云皇漢帝元永壽三年青龍建酉孟秋之旬升布

天德帝拜大臣曾曾玄玄云云未有府君諱勅字叔

節等題名十一人闕里祖庭記有永壽三年韓勅修

孔子墓碑在墓林中當是此碑

王厚之復  
齋碑錄

魯相史晨祠孔廟奏銘

建寧二年三月癸卯朔七日巳酉魯相臣晨長史臣謙

頌首死罪上

尚書臣晨頌首頌首死罪死罪臣蒙厚恩受任符守得  
左全婁周孔舊竊不能闡弘德政恢崇壹變夙夜憂悌  
累息屏營臣晨頌首死罪死罪臣以建寧元年到官行  
秋饗飲酒畔宮畢復禮孔子宅拜謁神坐仰瞻櫟楠俯  
視几筵靈所馮依肅肅猶存而無出酒脯之祠臣即自

以奉錢脩上案食暇具以叙小節不敢空謁臣伏念孔  
子乾心所挺西狩獲麟爲漢制作故孝經援神學曰玄  
立制命帝卯行又尚書考靈耀曰立生倉際觸期稽度  
爲赤制故作春秋以明文命綴紀撰書脩定禮義臣以  
爲素王稽古德亞皇代雖有褒成世享之封四時來祭  
畢即歸國臣伏見臨辟廱日祠孔子以大宰長吏備爵  
所以尊先師重教化也夫封土爲社立後而祀皆爲百  
姓興利除害以祈豐穰月令祀百辟卿士

士字

有益於民

矧乃孔子玄德煥炳光于上下而本國舊居復禮之日  
闕而不祀誠

朝廷聖恩所宜特加臣寢息耿耿情所思惟臣輒依社  
稷出王家嚴春秋行禮以共煙祀餘缺賜先生執事臣  
晨頌首頌首死罪死罪臣盡力思惟庶政執稱為效增  
異輒上臣晨誠惶誠恐頌首頌首死罪死罪上

尚書

缺

時副言大傅大尉司徒司空大司農府治

所部從事



昔左仲尼汁光之精大帝所挺顏母毓靈承敝遭衰黑  
不代倉缺不應聘嘆鳳不臻自衛反魯養徒三千獲麟  
齣作端門見徵血書著紀黃玉韻應主為漢制道審可  
行乃作春秋復演孝經刪定六藝象與天談鈎河撓維  
却揆未然巍巍蕩蕩與乾比崇

右魯相史晨祀孔廟奏銘靈帝建寧三年立按永興  
三年孔龢碑載吳雄奏用辟雍禮春秋饗孔廟出王  
家錢給大酒直距此纔十有七年史晨復云到官秋

饗無公出酒脯之祠至於自用奉錢乞依社稷出王家穀以共煙祀此盖有司崇奉不虔旋踵廢格也孔龢碑中吳雄奏章則云奏雒陽宮此亦奏牘乃云上尚書者郡國異於朝廷不敢直達帝所因尚書以聞也樊穀復華下民祖奏其式與此同漢末專尚識緯乃以鉤河撓維而頌尼父鄙哉碑以倉為蒼煙為裡汁為叶憐即怖字挈即契字譌古響字

隸釋

右魯相上尚書章其略曰建寧二年三月癸卯朔七

日已酉魯相臣晨長史臣譙頓首死罪上尚書臣晨  
頓首頓首死罪死罪臣以元年到官行秋饗飲酒泮  
宮復禮孔子宅而無公出酒脯之祠臣輒依社稷出  
王家穀春秋行禮建寧靈帝年號也於此見漢制天  
子之尊其辭稱頓首死罪而不敢斥至尊因尚書以  
致達而已余家集錄漢碑頗多亦有奏章悉其磨滅  
獨斯碑首尾完備可見當時之制也又云孔子乾坤  
所挺西狩獲麟為漢制作故孝經援神契曰立丘制

命帝外行又尚書考靈曜曰丘生倉際觸期稽度為  
赤制識緯不經不待論而可知甚矣漢儒之狹陋也

孔子作春秋豈區區為漢而已哉

集古錄

魯相史晨等奏出王家穀祠孔子碑建寧二年兗州

金石

畧

右漢魯相晨孔子廟碑靈帝建寧二年立晨姓字見  
於後碑此乃其所上尚書奏章蓋當時之制郡國不  
敢直聞朝廷因尚書以達之也碑云到官秋享無公

出酒脯之祠自用俸錢以供祭祀知其為魯之賢相

也

金薤  
琳瑯

此史晨上尚書奏章蓋漢制郡國因尚書以達天子  
如今通政司事也晨初到官自出俸錢以供禋祀可

謂知尊聖人矣

石墨  
鵝筆

觀此碑與置卒史碑略同知漢制郡國守相奏章雖  
不得達天子猶得上書尚書府今一切格忌不得行  
志所以古今不相及也魯相史晨當漢末季猶能上

書享祀孔子空府竭寺咸來觀禮合九百七人亦盛  
矣哉今時何可得也分法復爾超逸可為百代模楷  
亦非後世所及

金石  
史

史晨請出王家穀祀孔子碑八分書建寧二年三月  
今在曲阜縣廟中 飲酒畔宮者泮宮之異文也益  
州太守高朕修周公禮殿記亦作畔宮

金石文  
字記

史晨饗孔子廟後碑

相河南史君諱晨字伯時從越騎校尉拜建寧元年四

月十一日戊子到官乃以今日拜 孔子聖見闕觀式  
路受跪既至升堂屏氣拜手袒肅肩被黼黻若左依依  
舊宅神之所安春秋復禮稽度玄靈而無公出享獻之  
慶欽因春饗導物嘉會述脩辟雍社稷品制即上尚書  
叅以符驗乃敢承祀餘胙賦賜刊石勒銘并列本奏大  
漢延期彌歷億萬

時長史廬江舒李謙敬護五官掾魯孔暘功曹史孔淮  
戶曹掾薛東門榮史文陽馬琮守廟百石孔讚副掾孔

綱故尚書孔立元世河東太守孔雋元上黨士孔褒文  
禮皆會廟堂國縣負允吏無大小空府竭寺咸俾來觀  
并畔宮文學先生執事諸弟子合九百七人睢歌吹笙  
考之六律八音克諧蕩耶反仄奉爵稱壽相樂終日於  
穆肅靡上下蒙福長享利貞與天無極

史君饗後部史仇誦縣吏劉眈等補完里中道之周左  
店垣壞決作屋塗色脩通大溝西深里外南注城池恐  
縣吏毀民侵擾百姓自以城池道濡麥給令還所毀民



錢材

史君念孔瀆顏母井去市遠百姓酤買不能得香酒  
美開於昌平亭下立會市曰彼左右咸所願樂

又勅瀆井復民飭治桐車馬於瀆上東行道宸南北各  
種一行梓

敝夫子冢顏母井舍及魯公冢守吏凡四人月與佐除  
右史晨饗孔廟後碑前碑載奏請之章此碑叙饗禮  
之盛其補墻垣治瀆井種梓守冢皆在饗廟之後其

字畫大小不等蓋史君孔林中事不一書也

隸釋

碑以文陽為汶陽滸為孺度即薦字允即冗字虐

即墻字壞即壞字開即肉字

全上

右史晨孔廟後碑載當時廟享觀禮者自長史李謙  
五官掾缺孔暢而下凡九百七人可謂盛矣廟享之  
後晨復修瀆治井及置守墓之人蓋不但如前碑所  
云出俸錢以供祀事其有功於孔氏甚大而部史仇  
誦縣史劉耽亦復補垣除道至通大溝則晨固有以

啓之也吁晨誠賢矣哉

金薤  
琳瑯

又一碑紀晨姓字載當時廟享觀禮者九百七人復脩瀆置井及守墓人可謂盛事 余所收二碑在漢

碑中頗為完好前碑止缺十一字後碑止缺一字按都玄敬與楊用脩所錄前碑缺二字而後碑乃缺三字且前碑上尚書後有時副言大傅大尉司徒司空大司農府治所部從事等二十字而都楊本俱無之後碑又較二公多一望見闕觀觀字一享獻之薦薦

字豈都公所收偶是缺壞本楊公又從都公書中抄錄不及以碑証耶余生後二公而得見所未見為之

一快

石墨  
錫華

右漢史晨饗孔廟後碑予借自淵泉記室同諸家板本讀之俱不甚差異但此帙後有武周時諸人題名而洪本以下俱未言及之豈簡翁自別刻上得之而遂偶附于此耶抑諸君因其人而畧之也嘉靖甲寅

四月七日記

左瞻  
記

漢史伯時祀孔子有二碑前碑載晨姓氏爵里於建寧元年四月十一日戊子到官乃以今日拜孔子即修裡祀罷歛民錢後碑晨自出奉錢家穀以供裡祀於建寧二年三月癸卯朔七日上尚書時副言大傅大尉司徒司空大司農蓋古國有大造司徒司空通而論之晨不以案食小節自忽必上之尚書請之天子亦賢矣

金石  
史

史晨饗孔廟後碑八分書今在廟中後有武后天授

二年馬元貞題名

金石文字記

魯相晨謁孔子冢文

右魯相晨謁孔子冢文已斷裂闕其上一段其略可見者云建寧元年三月十八日晨又云其四月十一日戊子到官謁孔子塚其他文字雖完皆不可次第魯相晨有兩碑皆在孔子廟中其一碑云臣蒙恩受任符守得在金婁周孔舊寓又云臣以建寧元年到官其一碑云魯相河南史君諱晨字伯時從越騎校

尉拜以建寧元年四月十一日戊子到官然則斯碑  
所載名晨蓋相史晨也

金石錄

漢故司空孔公之碑隸額闕里祖庭記云孔林有司  
空孔扶碑碑錄云司農孔峽碑在仙源縣墓前建寧  
元年立農峽二字乃傳寫之訛其文上一半皆已淪  
缺僅存其下九行多者十有四字碑云孔子十九世  
孫則泰山都尉宙河東太守彪臨晉令僖之從昆弟  
也順宗紀陽嘉二年六月太常魯國孔扶為司空注

云字仲淵次年十一月免詳此碑之辭乃司空當國  
時辟史晨之父為士曹屬東閣祭酒後三十有三年  
當靈帝建寧之元年晨自越騎校尉拜魯相以三月  
丙申受命四月戊午到官既謁先聖塚遂為司空公  
刻此碑其文云五內慘惻霰然

缺

亾父見

缺

以云後昆蓋是懷舊

缺

非表阡納壙

之文也趙氏以為魯相謁孔子文當是不見其額之

故也

洪适  
隸續



魯相謁孔廟殘碑

上許缺帝命策授俾相下謁魯吉月令辰欽謁下地缺龜缺

藏寶覽鴻基之曠蕩觀林木之窳下揚美風而動物和下

陰陽以興雨假爾收仰下訪之儒彥稽之典謨聖德設下

章先民有下左墳櫟春秋烝嘗幾以獲福昔左周人下

成共立碑石因而銘之咸自紀藉天下

上史字封德東海沉基人下儒字仲睢東海郊下

右無名碑首尾上下皆破裂餘石纔有餘行詳其辭

非是諛墓中人者亦非頌德政紀工役之事前有帝  
命策授俾相于魯吉月令辰欽謁十四字又云春秋  
烝嘗幾以獲福益是謁廟之文後有訪之儒彥稽之  
典謨聖德設章及昔在周人之句似皆是鋪張孔子  
也中云覽鴻基之曠蕩觀林木之窮深似指孔林而  
言或題為駐蹕亭前斷碑此亭蓋在閭里趙氏著錄  
有魯相謁孔子碑而無其說疑即此也未有叔德仲  
雅題名皆東海人而亡其姓碑以況基為祝其乃春

秋夾谷之地也 又以假爾為避通頂即質字

釋

文已殘闕碑云帝命策授俾相于魯吉日令辰欽謁

下存者八行共百七字兗州石氏題為駐蹕亭前斷

碑

復齋  
碑錄

### 孔廟碑

譙周云孔子死後魯人就冢次而居者百有餘家命  
曰孔里孔叢子曰夫子墓塋方一里在魯城北六里  
泗水上諸孔丘封五十餘所人名昭穆不可復識有

銘碑三所獸碣具存皇覽曰弟子各以四方奇木來  
植故多異樹不生棘木刺草今則無復遺條矣

水經

注

### 漢碑

永壽三年故婺州從事孔君德於孔子墓祠壇前立

在仙源縣

天下碑錄

兗州

金石略

### 漢孔林殘碑

篆書碑石中斷字畫磨滅不可讀

同里志

聖賢墓石

孔子墓前石壇刻文 子思墓西石壇刻文皆漢隸

字

格古  
要論

古石壇刻文在山東兗州府泗水墓上

古今  
碑刻

漢魯相韓勅復顏氏繇發碑

永壽二年

天下  
碑錄

古今碑刻繇  
發作徭役

永嘉三年立在兗州曲阜縣


金石  
略

苦縣孔子廟碑

過水北逕老子廟廟北有雙石閭甚整頤閭東有孔  
子廟廟前有一碑西面是陳相魯國孔疇建建和三

年立

水經注



六藝之一錄卷三十六

欽定四庫全書

子部

六藝之一錄卷三十八

詳校官中書臣陸湘

貢外郎臣牛稔文覆勘

總校官檢討臣何思鈞

校對官中書臣陸湘

謄錄監生臣范墉



欽定四庫全書

六藝之一錄卷三十七

錢唐倪濤撰

石刻文字十三

西嶽華山廟碑

周禮識方氏河南山鎮曰華謂之西嶽春秋傳曰山嶽則配天乾此定位山澤通氣雲行雨施既成萬物易之義也祀典曰日月星辰所昭叩也地理山川所生殖也功加於民祀以報之禮記曰天子祭天地及山川歲遍

焉自三五迭興其奉山川或在天子或在諸侯是以唐虞疇咨四嶽五歲壹巡狩皆以四時之中月各省其方親至其山柴祭燔燎夏商則未聞所損益周鑒於二代十有二歲王巡狩殷國亦事于方嶽祀以圭璧樂奏六歌高祖初興改秦淫祀太宗承循各詔有司其山川在諸侯者以時祠之孝武皇帝脩封禪之禮思登假之道巡省五嶽裡祀豐備故立宮其下宮曰集靈宮壁曰存僊壁門曰望僊門仲宗之世重使使者持節祀焉歲一

禱而三祀後不承前至于亡新寢用公虛記今垣趾營  
地猶存建武之元事舉其中禮從其省但使二千石以  
歲時往祠其有風旱禱請祈求靡不報應自是以來百  
有餘年有事西巡輒過享祭然其所立碑石糾紀時事  
文字摩滅莫能存識延熹四年七月甲子弘農太守安  
國亭侯汝南袁逢掌華嶽之主位應古制脩廢起頓闕  
其若茲深達和民事神之義精通誠至禘祭之福乃案  
經傳所載原本所由銘勒斯石垂之于後其辭曰

巖巖西嶽峻極穹蒼奄有河朔遂荒華陽觸石興雲雨  
我農桑資糧品物亦相瑤光崇冠二州古曰雖梁馮于  
幽岐文岳克昌天子展義巡狩省方玉帛之贄禮與岱  
元六樂之變舞以致康在漢中築建設宇堂山嶽之守  
是秩是望侯惟安國兼命斯章尊脩靈基肅共壇場明  
德惟馨神歆其芳遐穰凶札孳斂吉祥歲具有年民說  
無疆

袁府君肅恭明神易碑飾闕會遷京兆尹孫府君到欽

若嘉業遵而守之延熹八年四月廿九日甲子就

袁府君諱逢字周陽汝南女陽人孫府君諱璿字山陵  
安平信都人時令朱頡字宣得甘陵鄒人丞張曷字少  
游河南京人左尉唐佑字君惠河南密人主者掾華陰  
王萇字德長

京兆尹勅臨都水掾霸陵杜遷市石遣書佐新豐郭香  
察書刺者潁川郎鄭公脩蘇張工

缺君闕

石西嶽華山廟碑篆額在華州華陰縣威宗延熹四

年逢守洪農郡以華嶽舊碑文字磨滅遂案經傳載  
原本勒斯石以垂後會遷京尹乃勅都水掾杜遷市  
石遣書佐郭香察書碑成於後之四年蓋孫鑒典郡  
時也逢者司徒安之曾孫太尉湯之次子嘗為司空  
而卒史不載其歷弘農京兆乃闕文也東漢循王莽  
之禁人無二名郭香察書者察涖宅人之書爾小歐  
陽以為郭香察所書非也碑云四時中月省方柴祭  
不讀中為仲其義亦通至以宣帝為仲宗則是借仲

為中說者謂漢世字少故多假借或曰漢人簡質字相近者輒用之予以為不然亦好奇之過爾以帝者廟號而借以它字不恭孰甚焉

隸釋

碑云昭仰禮記作瞻仰亢即亢字易即昉字香即

香字卽即字又以癸為癸女陽為汝陽

全上

漢西嶽華山碑文字尚完可讀其述自漢以來云高祖初興改秦淫祀太宗承循各詔有司其山川在諸侯者以時祠之孝武皇帝修封禪之禮巡省五嶽立

宮其下宮曰集靈宮殿曰存僂殿門曰望仙門中宗  
之世使者持節歲一禱而三祠後不承前至於亡新  
竊用丘虛建武之元事舉其中禮從其省但使二千  
石歲時往祠自是以來百有餘年所立碑石文字磨  
滅延熙四年弘農太守袁逢修廢起頓易碑飾闕會  
遷京兆尹孫府君到欽若嘉業遵而成之孫府君諱  
璆其大略如此所謂集靈宮者他書皆不見唯見此  
碑則余之集錄不為無益矣

集古  
錄目



右不著撰人氏書佐郭香察隸書延熹四年弘農太守袁逢以獄廟故碑磨滅改立碑作銘會遷京兆尹後太守孫瑋成之碑以延熹八年立在華嶽其後有

唐人題名

集古錄目

漢郭香察隸漢人碑多不書何人書姓名者獨此帖

耳碑在陝西華陰縣華山廟

金石略

右華嶽碑集古錄云碑以周禮職方氏為識方氏者

樊穀碑跋

疑當時周禮之學自如此蓋識誌其義通也今

按袁逢華嶽碑亦引職方氏乃用識字蓋漢人簡質字相近者輒假借用之初無意義爾

金石錄

歐陽文忠集古錄云所謂集靈他書皆不見惟見此碑臬按漢書地理志云太華山在華陽南有祠集靈宮武帝起又桓譚仙賦序云華山下有集靈宮漢武帝欲懷集仙者故名殿為存仙門為望仙二書所載其詳如是則集靈宮不獨見於此碑也文忠博古矣猶時有舛漏後學可忽諸黃某記

東觀餘論

西嶽華山碑後漢延熹四年弘農太守孫瑆建書曰武帝巡狩五岳立宮其下宮曰集靈殿曰集仙昔歐陽公謂集靈宮惟見於此天下之事其不可知衆矣然人各以所見自限不可以此斷天下事也文籍所傳其隱細不大顯於世凡幾何書其顯而在人耳目者雖衆又未必盡得而知則其存與否吾安得而盡之故於書傳所疑每則慎之不敢決然以謂此也漢武集靈宮見於太華漢志既書之矣桓譚嘗賦之酈道元曰敷水

北逕集靈宮其事甚備永叔惜不得見也張昶序曰  
岱山石立中宗繼統太華授璧秦胡絕緒白魚入舟  
姬武建業寶珪出水子朝喪位布五方則處其西列  
三條則居其中世宗又經集靈之宮於其下想松喬  
之疇然則集靈亦其盛哉三輔黃圖書其制度類聚  
亦書其名劉勰蓋嘗言矣予因得考之信

廣川書跋

敷水又北逕集靈宮西地理志曰華陰縣有集靈宮  
武帝起故張昶華嶽碑稱漢武慕其靈築宮在其後

而北流注于渭

水經注

右漢西嶽華山廟碑予得之御史宋君良弼集古錄  
引碑文云漢武帝巡省五嶽立宮其下宮曰集靈殿  
曰存仙門曰望仙而以為集靈宮者他書皆不見惟  
見此碑金石錄引漢地里志云華陰有集靈宮水經  
注云敷水北經集靈宮而謂不特此碑載之及觀之  
董氏書跋云集靈宮漢志既書之桓譚嘗賦之張杲  
序曰世宗經集靈之宮而復謂三輔黃圖書其制度

藝文類聚亦書其名則又金石錄之所未及者此亦可以見博古之難矣

金薤  
琳瑯

此碑後題云新豐郭香察書楊文貞公跋謂漢魏之碑多不載書刻人氏名此獨詳焉遂因之有聞於今而文貞惟以為郭香書而不曰香察其意蓋疑香察不類人名故也隸釋云東漢循王莽之禁人無二名郭香察書者察蓋他人之書其說為得此文貞之所未知然洪氏亦不言為何人書也按徐浩古迹記以

碑為蔡中郎書浩深於字學且生唐盛時殆非鑿空  
而言者洪氏失之於不考耳

全上

右漢西嶽華山廟碑其略云孝皇武帝修封禪之禮  
巡省五岳立宮其下宮曰集靈宮殿曰存仙殿門曰  
望仙門歐陽公集古錄云所謂集靈者他書不見惟  
見於此碑耳余按班固漢書地理志華陰有集靈宮  
武帝起而酈道元注水經亦云敷水北逕集靈宮引  
地理志所載其語皆同然則不獨見於此碑矣而所

謂存仙殿望仙門者諸書不載

金石錄

西嶽華山碑文見楊用修金石刻亦爾雅可讀為新  
豐郭香察書凡漢碑例不存書者名氏此小異耳至  
謂東京無雙名而謂察書者監書也其言亦似有據  
然鄧廣德梁不疑成翊世鄧萬世王延壽謝夷吾蘓  
不韋費長房蘓子訓此何人也其行草殊遒勁督策  
之際不盡如鍾梁二公乃知唐人隸分之法所由起

耳

弇州山人藁



漢魏碑例不著書刻人姓名獨此題郭香察書為異  
洪适隸釋云東漢循王莽禁無雙名郭香察書者察  
蒞他人之書又唐徐浩古迹記以為蔡中郎書余按  
碑文云京兆尹勅監都水掾霸陵杜遷市石句遺書  
佐新豐郭香察書市石察書為二事則洪公言似亦  
有據但書雖遒勁殊不類中郎郭香何人乃蒞中郎  
書耶且市石察書刻者皆著其名而獨無中郎名何  
也徐浩生唐盛時去漢近其人又深于字學不應謬

妄至此皆不可曉至如楊文貞公跋遂以為郭香書則察字無庸不成文理矣此碑嘉靖中猶在一縣令修岳廟石門視殿上碑題皆當時顯者恐獲責罰此碑年久遂碎為砌石余從東肇商借舊本而書其後

如此云

石墨  
錫華

新豐郭香察書西嶽華山廟碑其結體運意乃是漢隸之壯偉者割篆未會時或肉勝一古一今遂為隋唐作俑如山子諸字是也余家華下近百年前有客

訪其石已毀此搨獨巍然如魯靈光並嶽色同來映  
發几席殘闕僅百二十餘字存者鋒芒鋌利如新拱  
壁駟馬云何可尚碑建於延熹而謂以莽制東京無  
二名察書者監書也夫莽漢賊也當莽世已欲啖其  
肉蹠其宮不暇安有世祖正位二百年尚尊莽制不  
衰耶按莽孫宗坐罪死莽曰宗本名會宗以制作去  
二名今復名會宗是當莽世亦自有二名也況即往  
牒一按二名不可勝紀則臆說無據可笑也集古錄

謂集靈宮不見他書惟載此碑董道黃伯思廣引諸  
書駁之加詳夫以永叔蓋代之學缺漏如此誠為可  
議然何闕名義也則余於此烏容以無辨此榻舊藏  
墨莊樓雲駒舉以歸余雲駒博雅能詩善漢分法于  
余獨有臭味之雅余之寶此又不獨以物也

金石  
史

西嶽華山廟碑八分書此為延熹八年四月甲子前  
弘農太守汝南袁逢所立會遷京兆尹後太守孫瑆  
遵而成之者碑舊在華陰縣西嶽廟中嘉靖二十四

年地震碑毀華陰郭脩伯有此拓本文字完好其末  
曰京兆尹勅監都水掾霸陵杜遷市石遣書佐新豐  
郭香察書東漢人二名者絕少而察書乃對上市石  
之文則香者其名而特勘定此書者爾漢碑未有列  
書人姓名者歐陽叔弼以香察為名殆非也

金石文  
字記

### 西嶽華山亭碑

惟光初元年歲在戊午名曰咸池季冬己巳弘農太守  
河南樊君諱毅字仲德下車之初恭肅神祀西嶽至尊

詔書奉祠躬親自往省試闕譙即事有漸散齋華亭

齋室逼窄

字窄

郡縣官屬灑齋霖處尊卑錯紕精誠不固

畏天之威逢斯燁怒時雨不興曰

字甘

澍弗吝念存黔首

懼闕曠繁於是與令已郡朐忍先讜公謀圖議繕故斷

度擣廊立室異處左右趣之莫不競慕二年正月己卯

興就既成有片

字亢

休嘉殷鑒各得竭情福禡是顧刺茲

碑踰庾卒挾路具辭曰

巖巖西嶽五鎮次宗緒德之尊大華優隆皇帝永思祀

典孔明高神宵宴珪璧贊通赫赫左上以畜萬邦惟獄  
降神寔生羣公卿士百辟續葉徵蒙帝命不違歲事報  
功后辟命卿散齎外亭敬恭明祀以奉皇靈處所逼空  
肩輿有聲神樂其靜滿輦轍形尊卑有序繫心致誠因  
繕舊室整頓端平左其板屋孰不加精天人同道萬柱  
是迎既受帝祉延考後生為龍為光顯人王庭為公為  
侯福襍來成刻石紀彌永亨利貞府丞勃海劉固村長  
功曹史揚儒寧先主簿湖楊馮伯馮供曹掾楊基伯載

史陟許禮文化縣丞隴西彭和伯怡左尉隴西甄瑒村  
寧臨興者門下掾路瑗伯先主記史柏覽文進戶曹掾  
魏嘗威長史田膳文祖將任掾曹鑒孔明任就勳成史  
吳武丙昌

右西嶽華山亭碑篆額碑云光和元年歲在戊午名  
曰咸池案淮南子論天之四宮曰咸池者水魚之圃  
天官書云西宮咸池曰天五潢奎婁胃昂畢觜參居  
之數祥歲歲星以五月與胃昂畢晨出東方名曰天



津蓋三宿在西宮之中而歲星以千年舍其分故以  
咸池為名所云天津者亦取五潢之意淮南又以斗  
杓為小歲咸池為太歲而謂其每歲自卯逆行四仲  
即陰陽家所推以忌東航者是也許祭酒注云咸池  
星名水魚天神蓋經星隨璇機之運不可離其次者  
周流四仲當是其神爾故晉志又云咸池魚圓也

釋錄

碑以俠為夾帑即布字紫即素字殷即啓字肖即

肯字昇即曼字

全上

隸書不著書撰人名氏據碑漢光和元年弘農太守河南樊毅字仲德初至郡親祠西嶽以其齋室逼窄使縣令胸臆先讜繕治之明年正月己卯而就

立此碑

非古  
錄目

西嶽華山亭碑光和二年立在華州

漢隸  
字原

樊毅復華下民租田口算碑

光和二年十二月庚午朔十三日王丰弘農太守臣毅  
頓首死罪上

尚書臣穀頃首頓首死罪死罪謹案文書臣以去元年十一月到官其十二月奉祠西嶽率山省視廟舍及齋衣祭器率皆久遠有垢故魯不脩大室春秋作譏臣以神嶽至尊宜加恭肅輒遣行事荀珽與率陰令先謹以漸繕治成就之後仍雨甘雪澍潤宿麥惠滋勑庶臣即日以詔書齋祠雪未消澤時曰清和神歡民喜誠

聖朝勞神日昊廣被四表覆毓之德神人被施遐邇大小莫不牟甚臣穀頃首頓首死罪死罪謹又書言縣當

孔道加奉尊嶽一歲四祠養牲百日常當充肥用穀彙  
三十餘斛或有請雨齋禱役費兼倍每被詔書調發無  
差山高聽下恐近廟小民不堪役賦有飢寒之窘違宗  
神之敬乞差諸賦復率下十里以內民租田口莢以寵  
神靈廣祈多福隆中興之祚臣輒聽行盡力奉宣詔書  
思惟惠利增異復上臣殺誠惶誠恐頓首頓首死罪死  
罪上

尚書

掾臣徐屬臣淮書佐臣謀

弘農大守上祠西嶽乞縣賦發差復率下十里以內民  
租田口美狀

右樊毅乞復華下民租田口筭狀此碑全載光和二  
年十二月壬午奏牘別無它詞蓋毅到郡即遣官屬  
繕治廟宇縣令以地當孔道一歲四祠有養牲之費  
調發之勞故為華下十里之內希曰恩卹雖不同孔  
廟卒史碑併載朝廷施行語案後碑云上奏復賦克

厭帝心則知已從其請矣碑後有唐興元中縣令盧  
倣題字云碑在廟北隙地没于荒榛時方徙之縣治

云

碑

此碑勅為黎藏為漸前漢志注云三輔黃圖漸臺  
亦作藏

右漢修西獄廟復民賦碑云光和二年十二月庚午  
朔十三日壬午弘農太守臣毅頓首死罪上尚書臣  
毅頓首頓首死罪死罪謹按文書臣以去元年十一

月到官其十二月奉祠西嶽華山省視廟舍及齋衣  
祭器率皆久遠有垢臣以神嶽至尊宜加恭肅輒遣  
行事荀班與華陰令先讜以漸次繕治成就之又曰  
讜言縣當孔道加奉尊嶽一歲四祠養牲百日用穀  
藁三千餘斛或有請雨齋禱役費兼倍小民不堪有  
飢寒之窘違宗神之敬乞差諸賦復華嶽十里以內  
民租田口臣輒聽盡力奉宣詔書思惟惠利增異復  
上臣殺誠惶誠恐頓首頓首死罪死罪上尚書漢家

制度今不復見惟余家集錄漢碑頗多故於磨滅之餘時見一二而此碑粗完故錄其首尾以傳臣殺者

樊殺也

集古錄

隸書不著名氏漢弘農太守樊殺上尚書表也殺使從事荀班華陰令先謙繕治獄廟并復華下十里民田租口算以其事表上光和二年也碑久湮沒唐興元元年華陰令盧倣求得而為之記八分書於碑末

在華獄廟中

集古錄目



光和二年立在華州碑久湮沒唐興元元年華陰令盧倣求得而為之記八分書於碑末集古錄目作修

西嶽廟復民賦頌

漢隸  
字原

樊毅脩華嶽碑

山經曰泰率之山削成四方其高五千仞廣十里周禮  
識方氏華謂之西嶽祭視三公者以能興雲雨產萬物  
通精氣有益於人則祀之故帝舜受堯歷數親自巡省  
設五鼎之奠貳煇堊埋致敬神祇艾用昭明百穀繁殖

黎民時雖鳥獸率獮鳳皇來儀暨夏殷周末之有改也  
其德休明則有禎祥荒淫臊滅薦災必降秦違其典辟  
遺鄣池二壘以亡

漢祖應運禮遵陶唐祭則獲福亦壘克昌亡新滔淫鬼  
神不亨違武之初豈歸禎凶更率舊章敢用玄牡牡牲  
必充天惟醇祐萬國以康光和二年有漢元囑五侯之  
胄謝陽之孫白樊府君諱毅字仲德承考讓國家于河  
南究職州郡辟公府除防東長中都令誅強黷撫饗民

二鄙以清命守斯邦威隆秋霜恩踰冬日景化既宣由  
復夕惕惟寵祿之報順民之則孟冬十月齋祠西嶽以  
傳邕狹不足容尊卑廟舍舊久牆屋傾亞室不脩春  
秋作譏持部行事荀珽與縣令先謙以漸補治設中外  
館圖珍琦畫恠獸獄瀆之精所出禎秀役采于時而功  
已著暫勞久逸神朶有憑自古泰山邴邑由存五嶽尊  
同哀此勤民獨不賴福乃上復十里內工商農賦克厭  
帝心嘉瑞仍金風雨應時濺潤品物君舉必書兄乃盛

德惠及神人可無述焉於是功曹郭敏主簿魏龍戶曹  
史許禮等遂刊玄石銘勒鴻勛垂曜音幹永有昭識其  
辭曰

兩儀剖判清濁始分陽凝成山陰積為川泰氣靡吞洪  
波汜臻堯命伯禹決江開汶以靈既安缺北民乃列

祀典拜于羣神因瀆祭地獄以配天立主遵脩永亨歷  
年赤銑煌煌受茲衮福京夏密清殊俗賓服令問不違  
可謂至德德音孔昭實惟我后出自中興大漢之甥本

枝繁昌延慶長久俾守西嶽達奉神禮改傳飾廟靈則  
有濟降瑞舍祚景風凱悌惟風及雨成我稷黍植民用  
章康父室宇刊銘紀誦克配梁甫

右樊毅脩華嶽碑華嶽有樊毅之碑三華亭及華租  
碑皆云祠事在元年季冬華亭碑云繕治就緒在二  
年正月此碑叙始祠乃在二年十月與前不同蓋此  
碑多誇如云復十里內工商農賦夫以祠祭勞民養  
牲費豪為農乞復租筭可也工商何與焉前碑以午

年季冬己巳齋祠至來春己卯一旬之內工役已就  
則所脩者散齋外亭爾蓋是以次整治工役相繼至  
末年之冬衆作咸畢十月之祠乃是次年再舉此云  
役不干時而功已著蓋欲美其速成故不引午年之  
祭也碑云有漢元舅五侯之曹謝陽之孫按范書樊  
宏封壽陽侯樊丹射陽侯樊尋玄鄉侯樊忠更父侯  
樊茂平望侯樊氏侯者凡五國毅即丹之後也水經  
云泚水西南流謝水注之詩所謂申伯番番既入于

謝者樊丹封謝陽即其國又云自廣陵出白馬湖逕  
山陽城西即射陽縣之故城高祖封項纏為射陽侯  
乃其地据此則傳以丹為射陽誤也

諫  
釋

碑以職方為識方壇為裡犁為黎澁為穢澁為漸  
凡為況音軫為億齡昇即舜字畚即荅字參即介

全  
上

右漢樊毅華嶽碑云泰華之山削成四方其高五千  
仞周禮職方氏華謂之西嶽祭視三公者以能興雲

雨產萬物通精氣有益於人則祀之故帝舜受堯親  
自巡省暨夏殷周末之有改秦違其典璧遺鄯池二  
世以亡漢祖應運禮遵陶唐祭則獲福亦世克昌亡  
新滔逆鬼神不享建武之初彗掃頑凶光和二年有  
漢元舅五侯之胄謝陽之孫曰樊府君諱毅字仲德  
命守斯邦孟冬十月齋祠西嶽以傳窄狹不足處尊  
卑廟舍久舊墻屋傾亞特部行事荀班縣令先讜以  
漸補治此其事也又云功曹郭敏等遂刊玄石銘勒



鴻勳其字畫頗完其文彬彬可喜惟以周禮職方氏  
為識方氏其字畫分明非謠缺疑當時周禮之學自  
如此蓋識誌其義皆通也

集古  
錄

漢樊毅修華嶽碑云惟光初元年歲在戊午名曰咸  
池季冬己巳弘農太守河南樊君諱毅字仲德下車  
之初恭肅神祀西嶽至尊詔書奉祠躬親自往齋室  
逼窄法齋無所於是與令巴郡胸忍先讜圖議繕故  
二年正月己卯興就刻茲碑號吏卒挾路據此碑乃

即時所立而太守生稱諱者何哉

全上

隸書不著書撰人名氏漢光和元年華陰太守修獄祠記也并唐貞元三年檢校太子庶子董叔經等十

五人題名附

集古錄目

右樊毅西嶽廟碑云弘農太守河南樊君諱毅歐陽文忠公集古錄云據此碑乃即時所立而太守生稱諱者何哉按春秋左傳周人以諱事神名終將諱之而禮卒哭乃諱鄭氏以謂敬鬼神之名也諱避也生

者不相避名衛侯名惡大夫有石惡君臣同名春秋  
不非又漢宣帝元康元年詔曰聞古天子之名難知  
而易諱也今上書觸諱以犯罪者朕甚憐之其更諱  
詢諸觸諱在令前者赦之蓋卒哭而諱其名實始於  
周而生死皆稱諱西漢已如此矣然則生曰名死曰  
諱又出于近世也有以見後世忌諱愈密如此然生  
而稱諱見于石刻者甚衆不獨此碑也

金石錄

裴畢華墓碑

華岳廟前有碑後漢光和四年鄭縣令河東裴畢字

君先立

水經注

華嶽祠堂碑

華陰縣華山下有漢魏文帝三廟廟有石闕數碑一碑是建安中立漢鎮遠將軍段熲更修祠堂碑文漢給事黃門侍郎張昶造昶自書之元帝又刊其二十餘字二書有重名傳於海內又刊傳中司隸校尉鍾繇弘農太守母丘儉姓名廣六行鬱然循平是太康

八年弘農太守河東衛叔始為華陰令河東裴仲恂  
役其逸力脩立壇廟引道樹栢迄于山陰事見永興  
元年華百石所造碑

水經注

漢華嶽廟碑在華陰漢鎮遠將軍段熲更修之碑黃  
門侍郎張昶書魏文帝與鍾繇各於碑陰刻二十字

此碑垂名海內

陳思實  
刻叢編

西嶽和山亭碑

華州

金石  
略

漢西嶽石闕銘

右漢西嶽石闕銘云永和元年五月癸丑朔六日戊子弘農太守常山元氏張勲為西嶽華山作石闕高二丈二尺其後為韻語文詞頗怪又時多假借時有難曉處永和漢順帝晉穆帝姚泓皆有此號穆帝時華陰不屬晉以此碑字畫驗之恐非姚泓時蓋漢刻也又按晉書載記姚興與泓傳本朝宋莒公紀年通譜皆云泓以義興十二年即偽位改元永和獨帝紀

作十一年未知孰是因考永和年號并記之

金石錄

堂谿典嵩高山石闕銘

石漢堂谿典嵩高山石闕銘云中郎將堂谿典伯并  
熹平二年來請雨嵩高廟按後漢書靈帝紀熹平五  
年復崇高山名為嵩高山章懷太子注引前漢書武  
帝祀中獄改嵩高為崇高東觀記曰使中郎將堂谿  
典請雨因上言改之復為嵩高今此文乃熹平四年  
可以正漢史之誤又蔡邕傳注引先賢行狀云典字

子度而延篤傳注又作季度今此碑乃云字伯并亦

當以碑為正

金石錄

嵩山太室神道石闕銘

惟中

缺

嵩高神君

缺

休

缺

最純春生萬物

缺

寸起雲潤施原流

缺

宣竝天四海莫不蒙恩聖朝

肅敬衆庶所尊

缺

奉起

缺

盡勤

缺

功德刻石紀

文

缺

顯

缺

異以傳後賢元初五年四月陽城

缺

長左馮

翊萬年呂常始造作此石闕

以後列職官姓名字多漫滅不可識



八分書元初五年四月今在登封縣中嶽廟南百餘步銘八行年月及職官姓名共十三行完好未圯而其文剝蝕殆半若少室啓母二所即闕亦就隤矣

竝天普天也古人省文 嵩山三石闕不載洪氏隸

釋故今錄其前文此三闕巋然尚在而永叔德父當宋之盛時何以皆未之見則知二錄所不及載者固

多也

金石文  
字記

開母廟石闕銘

缺

開母廟

缺

神道閭時太守

缺

朱寵丞零陵

泉陵薛政五官掾陰林戶曹史夏效監掾陳修長西

河園陽馮寶丞漢陽冀秘俊廷掾趙穆戶曹史張詩將

作掾嚴壽伍左福

已上  
題名

百川柏縣稱遂

缺

浩浩下民震驚

缺

寫玄九

山甄旅

缺

漢山辛癸之間

缺

斯民同心濟

缺

替又遭亂秦

缺

馮神獬彼飛雉

缺

符瑞靈支挺生

缺

蘇清興雲降雨

缺

不歌比

性乾坤

缺

我君千秋萬祀

缺

銘功昭眡後昆

缺

二年

銘以下

重曰

缺

德洋溢而溥優

缺

則文耀以消搖

缺

皇極正而降休

缺

芬茲楸

于圃疇

缺

木連理於修條

缺

昨日新而累燾

缺

咸來王而會朝

缺

九域

缺

其修治

缺

祀聖母乎山隅

缺

神缺亨而缺格缺

釐我后

以萬祺缺

于缺樂而因缺

永

歷載缺而保之

已上後  
銘文

篆書延光二年今在嵩山啓母廟南漢避景帝諱改

啓之字曰開 葉封嵩陽石刻記曰今見存篆書三

十二行前題名十行行七字內第三行止六字以少

室石闕所列官名參考之則此十行之上無闕文也

後二銘共二十二行前銘十二行年月一行每行十

二字今止存六字後銘今止存九行每行亦止存六字  
蓋亡其上一層矣後銘視嵩高志所載又闕四句又曰  
闕式以石條累砌如牆而闕其中石質甚粗劣空地間  
雜刻花紋亦不工細即篆文亦未盡善也內修條二字  
皆從才 歲屠維協洽暮春予親至廟下視此石闕并  
叔所謂闕四句者今又得四行二十餘字以文多不能  
容故轉而刻于其旁仍亡其上一層也 重曰二字出  
楚辭遠將篇所謂言之不足而長言之也并叔誤以為

重日而云是年月一行按此一行今存六字二年之下  
重曰之上空石未鐫益明其非紀日矣漢書班婕妤自  
悼賦文選潘岳寡婦賦亦並用重曰二字

金石文  
字記

少室神道石闕銘

缺

林芝

缺日月而

三月三日

缺

郡陽城縣興治神道

缺

君丞零陵泉陵薛政五官掾陰林戶曹史夏效監廟  
掾辛述

缺

長西河圉陽馮寶丞漢陽冀祕俊廷掾趙穌

戶曹史張詩將作掾嚴壽廟佐向猛趙始

篆書今在登封縣西十里邢家鋪西距少室山尚十  
餘里當是漢時廟在其地焉葉封嵩陽石刻記曰凡  
二十一行行四字其所列丞薛政等與啓母廟同其  
為一時所立無疑也 此闕有銘辭而今僅存二行  
八字其可辨者五字又云三月三日而上無年云郡  
夏陽縣而上無郡名亦亡其上一層矣其見存之文

每行四字

金石文  
字記

六藝之一錄卷三十七